

四庫全書

史部

欽定四庫全書

史部

御批歷代通鑑輯覽卷九十六

詳校官侍講_臣王燕緒

編修_臣裴謙覆勘

總校官舉人_臣章維桓

校對官編修_臣朱紱

謄錄監生_臣彭邦經

欽定四庫全書

御批歷代通鑑輯覽卷九十六

元

世祖皇帝

至元二十五年春二月毀宋故宮為佛寺

從僧格及嘉禾楊喇勒智言凡宋宮殿郊廟悉毀為
寺復欲取宋高宗所書九經石刻為浮屠基杭州府
推官申屠致遠力拒止之天大雨雪有司督民入山

伐木死者四百人行省參政董文用曰非時役民民不堪矣宜少徐之不從

三月帝如上都以鄭制宜

鄭鼎子續綱目誤作鄭子鼎宋元通鑑因之謬甚今依本

傳改正領樞密院事

故事車駕如上都樞密院臣俱從行歲留一人領院事漢人不得與焉至是以屬判官鄭制宜制宜遜辭帝曰汝豈漢人比耶竟留之

托歡引軍還陳日烜邀擊敗之尋遣使來謝罪

托歡復遣兵追日烜于海右丞相阿巴齊舊作阿八亦今改

曰賊棄巢穴遠遁意待吾之敝而乘之將士皆北人
春夏之交瘴癘將作賊弗就擒饋餉且盡吾不能持
久矣時日烜復遣使請降以款師諸將信其說久之
不降擁衆據海口阿巴齊率衆攻之將士多被疫不
能進諸蠻復叛所得險阨皆失守遂謀引還日烜復
集散兵三十萬守東關在安南國
治北有城遏托歡歸路諸軍
且戰且行日數十合賊據險竊發毒矢將士裹瘡以

戰樊楫阿巴齊皆死前軍蘓都爾

舊作皆都
兒今改

奮勇乘

之交人小却托歡由間道趨還日烜尋遣使入朝貢
金人以代已罪帝以托歡無功而還令出鎮揚州終
身不容入覲

夏四月徵宋江西招諭使知信州謝枋得辭不至

初枋得遁入建陽及程文海至江南訪求人才薦宋
遺士三十人枋得亦在列枋得方居母喪遺書文海
曰某所以不死者以九十三歲之母在耳先妣以今

年二月考終某自今無意人間事矣亡國之大夫不可與圖存李左車猶能言之況稍知詩書頗識義理者乎某之至愚極闇決不可以辱召命亦明矣既而留夢炎亦力薦之奏上枋得復遺書夢炎言江南無人才未有如今日之可恥者春秋以下之人物本不足道今欲求一人如瑕呂飴甥程嬰杵臼廝養卒亦不可得辯論凡數千百言卒不行

江南盜起

廣東民董賢舉浙江民楊鎮龍柳世英循州民鍾明亮各擁衆萬餘相繼而起明亮勢尤獨獷詔遣浙江

行省丞相蒙古低行樞密院副使頁特密實

舊作月的迷失

蒙古低傳作博羅哈思哈雅今改

發四省兵討之明亮屢降復叛既

而福建按察使王憚上疏言福建郡縣五十餘處連

山距海實邊徼要區由平宋以來官吏殘虐故愚民

往往嘯聚朝廷遣兵討之復致蹂踐甚非一視同仁

之意況福建歸附之民戶幾百萬黃華之變

事見前十

去四五今明亮之勢又烈于華其可以尋常草竊視之宜選精兵明號令以計取之可也御史大夫伊囉勒亦言江南盜起凡四百餘處宜選將討之帝曰頁特密實屢以捷聞蒙古岱已往卿毋以為慮也

詔皇孫特穆爾

太子珍戩第三子即成宗行邊

納顏餘黨和爾果斯

托克托呼傳作火魯哈孫續綱目作火魯火孫今改及哈

坦等尚攻掠邊郡未下詔皇孫特穆爾北撫諸軍討

之都指揮托克托呼

奇卜察克國王子拜都察克之子舊作土土哈班都察今改

擊破和爾果斯還復敗哈坦軍盡得遼左諸部置東路萬戶府

五月河決汴梁

汴梁大霖雨河決太康通許杞三縣陳潁二州皆被其害

秋九月南臺御史中丞劉宣自殺

時江浙行省丞相蒙古岱悍戾縱恣常慮臺臣糾劾其罪而尤畏宣日遣人入建康偵伺臺臣違失臺臣

憚之陰求自解惟宣屹不為動蒙古益忌之因羅織宣罪逮繫其子于獄又令人妄言宣沮壞錢穀事聞遂遣使置獄行省鞠治之宣及御史六人俱就逮宣不勝憤遂自剄于舟中

始宣將行以一緘付從子自誠今勿啟視宣死視其

書云觸怒大臣誣搆成罪身為臺臣義不受辱當自引決但不獲以身殉國為恨耳嗚呼天乎實鑑此心聞者莫不悼惜之

延祐中賜諡忠憲

置徵理司冬十月遣使鈎考諸路錢穀

初僧格摘委六部鈎考百司倉庫錢穀復以為不專

其任遂置徵理司以主之時理算之計行入倉庫司
錢穀者無不破產及當更代人皆棄家避之十月僧
格又言湖廣錢穀已責償于平章約蘓穆爾他省欺
盜必多請以參知政事實都等十二人理算江淮江
西福建四川甘肅安西六省耗失之數給兵以衛其
行詔皆從之既而行臺侍御史程文海入朝言天子
之職莫大於擇相宰相之職莫大於進賢宰相不以
進賢為急而惟以貨殖為心非為上為德為下為民

之意今權姦用事立尚書省鉤考錢穀以割剥生民
為務所委任者率皆貪饕邀利之人江南盜賊竊發
良以此也臣竊以為宜清尚書之政損行省之權罷
言利之官行恤民之事僧格大怒留京不遣奏請殺
之者六帝皆不允

遣瀛國公趙昱學佛於吐蕃

十一月立僧格輔政碑

時天下騷然而江淮尤甚讒佞之徒方且諷請立石

人臣立碑頌德
起自漢時實為
貢諛陋冒魏晉

以後如羊祜輩
并功業所留或
亦藉此以誌去
思之說然皆事
由身後惟姚崇
之廣州德政實
出同時崇亦即
奏行禁止若僧
格蠹國害民罪
難更僕當時臣
庶不能上書伏
闕力斥其奸乃
反相率為媚悅
之謀諛請立石
所謂廉耻盡喪
者矣不久而奸

為僧格頌德帝曰民欲立則立之仍告僧格使之許
也碑成樹之省前題曰王公輔政之碑

十二月以董文用為御史中丞

文用入為中丞首舉胡祇適

字紹聞磁州武安人

王暉等十餘

人為按察使徐琰魏

初字太初弘州順聖人

為行臺中丞當時

以為極選會僧格當國貴戚見之皆屏息遜避文用

獨不附之僧格使人諷文用頌已功不答又自謂文

用曰百司皆具食丞相府矣亦不答時朔方軍興而

狀敗露跡擊斃
加當日深刻大
書至此悉成笑
柄而閣復以當
代儒流配顏執
筆其視王若虛
之不肯為崔立
撰碑者相去又
不啻霄壤矣

徵求愈急文用曰民急矣外難未除而內傷其根本
丞相宜思之因持郡國所上盜賊之目謂之曰百姓
非不欲安樂急法暴斂至此御史臺所以救時政之
不及丞相當有以助之不當抑之也僧格愈恨之日
撫拾臺事譖於帝言文用慙傲沮法欲罪之帝曰彼
御史職也何罪之有尋遷為大司農

巳丑 二十六年春正月地震

開會通河

即今山東運河漕艘上
下以牐啟閉謂之牐漕

會通河為漕運襟喉自元人創始以後至今尚仍其利當穿渠之始遏汶截泗雖因自然之勢而導之而長川委輸則在人功之隨時調劑其間濬祿多藉泉湖蓄洩全資牐壩南北經流互相貫注然也在黃淮之順軌漳衛之循途有治人無治法一勞

從壽張縣

注見前

尹韓仲暉等言也起須城縣

即漢後

唐改名明省故城在今泰安府東平州

安山

在東平州西南下有湖旁有亭子店即古安民亭

遺址汶濟合流處也今為運道所經曰安山鎮有牐

西南由壽張西北至東昌

又西北至臨清

元魏縣明升為州今州屬東昌府

引汶水以達御河

與上汶水注俱詳前

長二百五十餘里中建牐三十一以時蓄

洩河成名曰會通

初畢輔國始于堰城左汶水陰作一斗門洩汶入沈南通四淮而未

分於北至是始分流絕濟由壽張以北達于臨清

剛

堰城在兗川府寧陽縣東北即漢剛縣故城後訛剛為堰元人置斗門於此曰堰城恆明改為壩洩河在堰城壩西南本汶水支流自元人遏汶入之其流始

永逸宜易言哉

盛今河由滋陽縣至潯寧州
入運濟水即大清河注詳前

二月以中書右丞相巴延知樞密院事將兵鎮和林

和林置知院自巴延始

三月庚辰朔日食

夏四月禁江南民挾弓矢

犯者籍為兵

福建參知政事魏天祐執宋謝枋得至大都不屈死之
初天祐見時方求才欲薦枋得為功遣使誘之入城

與之言生而不對或嫚言無禮天祐不能堪乃讓曰

封疆之臣當死封疆安仁之敗

事見前

何不死枋得曰

程嬰公孫杵臼二人皆忠於趙一存孤一死節王莽

篡漢龔勝餓死司馬子長云死有重於泰山輕於鴻毛

參政豈足知此天祐怒逼之北行枋得以死自誓自

離嘉興即不食二十餘日不死乃復少茹蔬果積數

月困殆四月朔至燕問太后攢所及瀛國公所在再

拜慟哭疾甚留夢炎使醫持藥雜米飲進之枋得怒

擲之於地不食五日死

枋得天資嚴厲雅負奇氣風岸孤峭不能與世軒輊而以

天時人事推宋必亡於二十年後每論樂毅申包胥張良諸葛亮事常有千古之憤者而以植世教立民彝為任貴富貧賤一不動其中死之後子定之護骸骨歸葬信州

六月海都寇邊秋七月帝自將討之

海都兵至和林宣慰使奇卜

舊作怯伯今改

等反應之時劉

哈喇巴圖爾

河東人本姓劉至元中賜名

乘間脫歸報帝帝嘉賚

之先是海都至抗愛

在和林北元時置耕屯于此

皇孫噶瑪拉子

珍戰長子舊作日麻利今改

率衆與戰失利被圍托克托呼引勁

卒陷陣翼王出及帝親征至北邊謂托克托呼曰昔

太祖與臣下同患難者飲班珠爾河

注見前

之水以紀

功今日之事何愧昔人

冬十月禁百官受饋酒食者

內外百官有犯之者籍其家貲之半

閏月帝還大都

十二月詔括馬

先是令百官市馬助邊猶不足用復括天下馬充之

其品官所乘者限數外悉令入宮

以白紵矩為尚書省舍人

紹興路總管府判官白紵矩言宋宗室居江南者百
姓敬之不衰久之非便宜悉遷于京師僧格以聞擢
為尚書省舍人遣之江南發兼併戶偕宋宗室至京
師既而江淮行省言江南之民方患增課料民括馬
之苦今此舉必致人心搖動宜且止從之

帝幸大聖壽萬安寺

詔天下梵寺所貯藏經集僧誦之仍給所費歲為例

庚寅二十七年夏四月河北十七郡蝗

秋八月辛未朔日食

地大震九月赦天下

武平

即金大定府元初為武平路
後改曰大寧明為衛注詳前

尤甚地陷黑沙水

涌出壞官署四百八十間民居不可勝計壓溺死傷

者數十萬人帝深憂之時駐蹕龍虎臺

在順天府昌平川西居庸

關南遣諤爾根薩里召集賢翰林兩院官詢致災之

由議者畏僧格莫敢指切時政時僧格遣實都王巨濟等理算天下錢穀已徵者數百萬未徵者尙數千萬民不聊生自殺者相屬逃山林者則發兵捕之于是集賢直學士趙孟頫因諤爾根薩里入奏於帝謂須下詔蠲除庶幾天變可弭帝從之詔草已具僧格怒曰此必非帝意孟頫曰凡錢穀未徵者其人死亡已盡非及是時除免之他日言事者儻以失陷歸咎尚書豈不為丞相深累邪僧格悟遂赦天下民賴稍

蘓

冬十一月增置萬戶府分戍江南

江南行省言浙東地極險惡賊所巢穴初巴延等于

各路置軍鎮戍蓋視地之輕重而為多寡後為蒙古

岱更易其法今宜復遣三萬戶分戍之

以哈喇台一軍戍明台伊

奇哩一軍戍溫處扎呼岱一軍戍紹興安舊作合剌帶軍亦怯烈軍扎忽帶軍今並改

揚州建

康鎮江三城跨據大江宜置萬戶府七杭州置萬戶

府四瀕海沿江要害二十二所復宜增置戰艦分兵

閱習水戰之法詔從之

安圖罷

安圖見天下大權盡歸尚書省屢求退不許至是罷
相仍領宿衛

大水

江南民流者四十五萬餘人凡發粟五十八萬賑之

辛卯

二十八年春正月僧格及諤爾根薩里葉李以罪免

天下以僧格鈎考錢穀之故中外騷動廷臣莫敢言

者集賢直學士趙孟頫謂奉御徹爾曰僧格罪惡甚矣我等不言他日何以辭其責公為上所親信捐一

旦之命為萬姓除殘賊仁者事也時帝畋鄴北

鄴河之北

也在順天府通州故鄴縣南東入白河

徹爾乘間入言之詞語激烈帝

怒謂其毀詆大臣命衛士批其頰血湧口鼻委頓地上少間復呼而問之辯愈力曰臣與僧格無讐所以力數其罪而不顧身者正為國家計耳苟畏聖怒而不言則姦臣何時除民害何時息帝大悟召博果密

問之對曰僧格壅蔽聰明紊亂朝政有言者即誣殺之今百姓失業盜賊蜂起召亂在旦夕非亟誅之恐為陛下憂會廷臣言者益衆遂詔臺省相與辯駁之僧格辭屈帝曰僧格為惡始終四年臺臣豈不知之知而不言當得何罪御史杜思敬曰奪官追俸惟上所裁遂斥罷臺臣之久任者免僧格等官命徹爾率衛士三百人籍僧格家得珍寶如內藏之半謬爾根薩里以連坐亦籍其貲葉李與僧格同事一無所匡

正亦坐免久之得以疾請南還

揚州學正李淦上言葉李本一點徒方受

上簡知即以舉僧格為第一事致以非罪誅貶大臣遣使四出鈎考錢穀民怨而益發天怒而地震水災游至人皆知僧格用羣小之罪而不知葉李舉僧格之罪宜斬李以謝天下書聞帝矍然曰朕素以葉李剛介寧有是邪令召淦詣京師置對淦至而李已卒遂擢淦江陰路教授以旌其直

二月罷徵理司

詔下之日百姓相慶而各路鈎考猶未盡罷既而御史言鈎考錢穀自中統至今餘三十年更阿哈瑪特僧格當國設法已極其黨公取賄賂民不能堪不如

罷之便詔從之仍命取昔逋負錢穀文牘聚至一室
非上命而竊視者罪之

以鄂勒哲

圖卜氏舊作完澤
土別燕氏今改

為尚書右丞相博果密平

章政事

初僧格欲殺楊居寬郭佑刑部尚書博果密爭之不
得僧格深忌之謂其妻曰他日籍我家者必此人也
因其退食責以不入曹治事欲加之罪遂以疾免久
之復起為翰林學士承旨至是帝欲用為相謂之曰

朕過聽僧格致天下不安今雖悔之已無及朕識卿
幼時使從學政欲備今日之用博果密曰朝廷勲舊
齒爵居臣右者尚多今不次用臣無以服衆帝曰然
則孰可曰太子詹事鄂勒哲可嚮者阿哈瑪特家其
賂遺近臣皆有簿籍唯無鄂勒哲名又嘗言僧格為
相必敗國事今果如其言是以知其可也乃拜鄂勒
哲尚書右丞相博果密平章政事

三月陪僧格輔政碑

初帝命翰林學士閻復

字子靖山人

撰文至是復已改

廉訪使

時御史臺改提刑按察司為肅政廉訪司

亦坐免

夏五月逮西僧嘉木揚喇勒智下獄尋釋之

嘉木揚喇勒智發宋諸陵及其大臣塚墓攘取金寶

珠玉無算私庇平民之不輸賦者二萬三千戶田土

稱是及受美女寶物之獻藏匿未露者尤多至是坐

侵盜官物遣使逮問追治之籍其妻孥田畝臺省諸

臣皆言宜誅之以謝天下帝不聽命釋之給還其所

籍

復徵劉因為集賢學士辭不至

因以疾固辭帝聞之曰古有所謂不召之臣其斯人

之徒歟遂不彊致之

初許衡應召時道過因謂曰一聘而起毋乃太速乎衡曰不

如此則道不行至是因不就集賢之命或問之曰不如此則道不尊後二年因卒延祐中追封容城郡公

謚文

靖

下僧格獄逮其黨約蘓穆爾誅之

崔彥言僧格當國四年中外百官鮮有不以賄而得

者親舊皆授要官美地惟以欺蔽九重股削百姓為
事宜令兩省嚴加考覈凡入其黨者並除名為民從
之湖廣平章政事約蘓穆爾僧格妻黨也尤不法逮
至京師籍其家黃金至四千兩遂詔下僧格獄復繫
約蘓穆爾還湖廣誅之

初約蘓穆爾因人言湖廣初
附時郡縣長吏吏胥富人比

屋斂銀將輸之官銀已具而事中止即下令責民自
費使者旁午隨地置獄株連蔓引備極慘酷民拷掠
疾死者載道所獲不貲約蘓穆爾悉掩有之使至永
州判官烏克遜澤姚曲以利害曉之卒無所擾既見
鈞考曰急天下騷動嘆曰民不堪命矣即自上計行
省約蘓穆爾怒曰郡國錢糧無不增羨永州何獨不

然此直府判倚其才辨慢我亟拘繫之欲置于死至是因僧格敗始得釋烏克遜澤字潤甫臨潢人

罷尚書省右丞相鄂勒哲等並入中書

頒行至元新格

初朝廷未有法守百司斷理獄訟循用金律頗傷嚴

刻右丞何榮祖

字繼先廣平人

家世業吏初以公規治民禦

盜理財等十事輯為一書名曰至元新格至是奏頒行之

秋七月僧格伏誅

八月平陽地震

壞民居萬八百餘區壓死百五十人

九月遣使招諭琉球

注見前

琉球久不通中國海船副萬戶楊祥請以兵往伐之
既而閩人吳志斗自言熟知海道宜先招諭之不從
然後用兵未晚乃以祥充宣撫使阮鑑兵部員外郎
志斗禮部員外郎往招諭之明年祥等不至而還志
斗卒于行初志斗嘗斥祥誕妄要功人疑為祥所殺

詔福建行省按問會赦不竟其事

冬十月遣禮部尚書張立道

字顯卿其先陳留人徙大名

使安南徵

其王入朝

托歡等既還帝怒安南不已欲再伐之適陳日烜死

子日燭襲位博果密曰彼山海小夷以天威臨之寧

不震懼獸窮則噬勢使之然今若遣使諭之彼宜無

不奉命遂以禮部尚書張立道嘗使安南有功復使

往徵其王入朝

安南負固不臣屢干王命托歡海口之敗至于折將損兵亟應聲罪以張天討若以其為窮荒卉服不足以動師徒則早當持以鎮靜付之不問乃日燭並

未稍知悔過轉遣使徵以入朝跋涉徒勞仍然抗命不至豈不自損威重迄元之世南交終于梗化皆由措置乖方不能使之警悚傾誠耳

十二月蠲瀛國公田租

宣政院臣言宋全太后瀛國公母子已為僧尼有地三百六十頃乞如例免徵其租從之

詔議科取之法

中書省臣言江南在宋時徭役為名七十有餘一切未徵今諸王歲賜官吏俸祿多不給宜令江南如宋時諸名徵賦盡輸之至是因何榮祖言名各省任錢穀之臣至京師雜議科取之法

戶部上天下戶口之數

戶一千三百四十三萬三百二十有二口五千九百

八十四萬八千九百六十有四游食者不在其數

是考

歲戶口數世祖未紀分內郡江淮四川食貨志則通計天下之數相較不符續綱目係于二十八年數復不合今依本紀係于是年仍以本紀所分之數總核改輯

正二十九年春正月甲午朔日食

辰

免朝賀

開通惠河

即今大通河自昌平州流貫都城由大通橋至通州入白河

以郭守敬領

導至泉西湖諸水以濟漕運蓋

天地自然之利
亦見神京川脈
靈長也元人開
通惠河置牘著
洩可謂卓識然
大艘徑遠積水
漚地勢既高
灌注非易無
怪其不能經久
至明季而故道
遂淤艱于興復
也今則暢疏諸
泉多建橋牘廣
源而下雙流貫
繞禁城屈曲東
注會于大通橋

都水監事

初守敬言水利十有一事其一欲導昌平縣即今昌平注

見白浮村在昌平州東南元人築堰于此神山水昌平州東北有神嶺山下有潭流入

白浮村堰即過雙塔榆河雙塔河在昌平州西北自孟村經雙塔店故名榆河

即古溫餘引一畝泉在昌平州西南約徑一畝因名玉泉出宛平縣西北玉泉

水注見前

小諸水入城匯于積水潭在宛平縣治西北東西一里餘南北半之環禁城北

安門宮牆左右舊名從東折而南入舊河先時所開海水套亦名淨業湖每十里置一牘

其間淤者濬之
廢者葺之董以
死臣守以牘吏
于是路河轉漕
資藉無窮矣

金史 卷一百一十五
時蓄洩帝稱善復置都水監命守敬領之丞相以
下皆親操畚鍤為之倡置牘之處往往于地中得舊
時軌木人服其識逾年畢工自是免都民陸輓之勞
公私便之帝自上都還過積水潭見舳艫蔽水大悅
賜名曰通惠

詔江南避亂者令復業

江南福建諸路連歲盜起居民多入山谷自保時羣
盜皆以次就平江南右丞高興言乞招諭復業詔從

之

二月以伊克穆蘇

柳和爾人舊作亦黑達失今改

史弼高興並為福建

行省平章政事將兵擊爪哇

即古閩婆國又名蒲家龍亦曰下港在大海中占城

南西

初右丞孟洪使爪哇點其面使還帝怒命伊克

穆蘇及史弼等將兵三萬伐之時爪哇國王為鄰境

葛郎國所殺其壻土罕必閣耶迎弼求抹弼等遂并

取葛郎國王以歸既而土罕必閣耶復叛弼等力戰

却之得還死者三千餘人有司計其亡失貨貝直五千餘萬帝以其亡失太多及治其縱土罕必闇耶之罪弼與伊克穆蘇沒家貲三之一唯與以不與議得免

三月誅僧格黨尼雅斯拉昂等

僧格敗尼雅斯拉昂默埒

舊作密里今改

實都王巨濟俱下

獄至是御史臺言其黨比僧格恣為不法理算江南錢穀極其酷虐民嫁妻賣女殃及親鄰維揚錢塘受

禍最慘無辜死者五百餘人天下之人莫不思食其肉今三人既已伏辜乞誅之以謝天下帝以實都長子理財欲釋之博果密力爭不可日中凡七奏卒併誅之

敏珠爾多卜丹罷以特爾格琳沁

舊作判
真今改

並為平章政

事

敏珠爾多卜丹嘗請復立尚書省專領右三部博果密曰阿哈瑪特僧格等相繼誤國身誅家滅前鑑未

遠奈何又欲效之乎事遂寢至是以久居其任免猶

與議省事特爾格與琳沁同拜中書平章政事

初特爾格

為司農寺達魯噶齊從獵已雅爾之地獵者射虎誤中名脫帝怒命誅之特爾格曰殺人備畜刑太重帝曰誤耶史官必書重釋之庾人有盜抗罪應死特爾格曰臣拘之其人母病遂以養母耳請貸其死至是進平章政事以病足聽肩輿上殿

徵集賢學士楊恭懿

字元甫奉元人

叅議中書省事辭不至

恭懿于至元之初與許衡俱被召屢辭不起太子珍

戲令有司以漢聘四皓故事聘之至京師與定科舉

盜札而不計其多寡遂當以死固未為得平但庾人自盜律以主守之條實無可辭罪若以母病之故而貸之則凡供子職者皆得藉口養親以遂其抵竊之計利則歸已過則歸親既非所

以止盜又豈所以教孝乎

之議及考正歷法厯成授集賢學士兼太史院事即
辭歸自是復屢召之皆不起至是監察御史商琥上
書薦天下名士若胡祗適王惲姚燧字端甫雷膺字
正源等十餘人恭懿與焉詔起恭懿參議中書省事
力辭不至尋卒

夏六月兩浙水

詔免田租一百二十五萬七千餘石

閏月廣西上思州

唐置今州屬南寧府

亂遣右丞程鵬飛將兵擊

之上思州土官黃聖許擁衆二萬結交趾為援寇陷

忠州

宋羈廉州今為土州屬南寧府

江州

亦宋羈廉州今為土州屬太平府

及華陽

元縣明省故城在今南寧府新寧州

諸縣詔遣程鵬飛討之聖許尋敗

走入交州

安南遣使入貢

張立道至安南謂陳日燭曰昔鎮南王不用嚮道率衆深入不戰自潰天子亦既知之汝所恃者山海之險瘴癘之惡而雲南嶺南之人與汝習俗同而技力

等今發而用之繼以北方之勁卒汝復能抗哉且前
年之師殊非上意邊將讒汝耳汝曾不悟稱兵抗拒
逐我使人今禍且至矣日燭泣謝出竒寶為賄立道
却之因要其入朝日燭曰貪生畏死人之常情朝廷
誠有詔貸以不死臣將何辭乃先遣其臣何惟嚴阮
代之隨立道上表謝罪修歲貢之禮如初且言所以
願朝之意時有忌立道之功者言必先朝而後可赦
日燭懼卒不至已而復遣吏部尚書梁曾及禮部郎

中陳孚持詔往徵之

秋八月罷福建銀冶

初福建參知政事魏天祐獻計發民一萬鑿山煉銀
歲可得萬五千兩天祐乃賦民鈔市銀輸官而私其
百七十錠至是臺臣以聞請追其贓而罷銀冶從之

時寧國路銀冶課二千四百兩民皆市易
以輸未嘗採之於山省臣以為言亦詔罷之

冬十二月改封梁王噶瑪拉為晉王鎮北邊

噶瑪拉初出鎮北邊後封梁王移鎮雲南至是復改

封晉王鎮漠北統領太祖四大鄂爾多之地王天性仁厚御下有恩民賴以安

諸王莽賚特穆爾

舊作明里鐵木兒今改

附海都以叛詔巴延討

之

巴延至額森呼圖克嶺

在和林界舊作阿撒忽哭嶺今改

莽賚特穆

爾已據之矢下如雨巴延先登陷陣諸軍爭奮大破之莽賚特穆爾僅以身走巴延軍還遇伏兵復擊敗之斬首二千級俘其餘衆歸

以張珪

字公瑞弘範子

為江淮行樞密副使

珪時為管軍萬戶入朝帝欲用為樞密副使伊實特
穆爾曰珪尚少果欲大用可俟他日帝曰不然其家
為國滅金滅宋盡死力者三世矣而可吝此遂拜江
淮行樞密副使

已癸

三十年春正月汰冗員

凡省内外官府二百五十五所官六百六十九員

詔邊軍屯田

詔邊境無事本軍屯耕以食

始置社稷

至元初已詔歲祀而未立壇壝至是始用崔彥言置之

右丞相安圖卒

帝聞之震悼曰人言丞相病朕固弗信果喪予良弼

命大臣監護喪事

後大德中追封東平王諡忠憲

二月以嘉木揚剌勒智子溫普

舊作暗普今改後仿此

為江浙行

省左丞

尋以江南民怨嘉木揚喇勒智不已罷之

三月括諸路馬

時以海都入寇詔羣臣議所以為備從樞密李庭言
復括天下馬凡得十一萬匹

夏六月詔皇孫特穆爾撫軍北邊召巴延還以伊實特
穆爾代之

時有譖巴延久居北邊與海都通好因仍保守無尺

寸之獲者詔授皇孫特穆爾以皇太子寶撫其軍以太傅伊實特穆爾輔行名巴延居大同以俟後命伊實特穆爾未至三驛海都兵復至巴延遣人語伊實特穆爾曰公姑止待我剪此寇而來未晚也遂與海都兵交且戰且却凡七日諸將以為怯憤曰果懼戰何不授軍于太傅巴延曰海都懸軍涉吾地邀之則遁誘其深入一戰可擒也諸將必欲速戰若失海都誰執其咎諸將曰請任之即還軍擊敗之海都果脫

去乃召伊實特穆爾至軍中授以印而行皇孫舉酒
餞之曰公去何以教我已延舉所酌酒曰可慎者惟
此與女色耳

秋七月以伊徹察喇

博勒呼之孫按伊徹察喇替
作月赤察爾今改後仿此

知樞

密院事

初伊徹察喇由長集寨授宣徽使

本宋官元以院掌
供玉食光祿寺屬

馬院使秩
正二品

從帝北征奏曰安圖巴延伊羅勒皆嘗受

命征伐三人者臣不可以後之臣願躬出一戰帝曰

爾以安圖輩與爾家同功一體各立戰功恥不逮耶
然躬親侍衛厥功非小何必踐行伍乃快心耶及僧
格之敗實伊徹察喇潛奏劾之至是以爲知樞密院
事

八月安南遣使入貢詔安置于江陵復議舉兵伐之

初梁曾

字貢父
燕人

至安南其國有三門日燭欲迎詔自

旁門入曾貽書責之往復者三卒從中行且諷之入
朝日燭不從遣其臣陶子奇偕曾來貢曾進所與日

元臣控馭安南
措置實為失當
前此出師敗衄
即不應再事招
懷泊乎信命往
還迄無要領負
固之跡已彰乃
猶欲以空詔羈
縻適以長其跋
扈則何如置之
不問之猶善乎
且日燭拒命不

燭辯論書帝大悅解衣賜之令坐地上右丞阿里意

不然帝怒曰梁曾兩使外國以口舌息干戈爾何敢

爾或讒曾受安南賂遺帝以問曾曾曰安南以黃金

器幣奇物遺臣臣不受以屬陶子奇帝曰受之亦何

不可廷臣以日燭終不入朝遂拘留子奇于江陵命

劉國傑

字國寶本金人姓烏庫理氏後入中州改姓劉

與諸王伊勒吉岱

舊作

亦里吉解今等整兵聚糧復議伐之

改後仿此

冬十月彗星出紫微垣

朝正當嚴兵侍
時以動乃使臣
入貢不能示以
威信徒加拘執
以快一日之憤
天討不加於有
罪而轉虐及行
人又何以令遠
方懾附乎

帝憂之夜召博果密入禁中問所以銷天變之道博
果密曰風雨自天而至人則棟宇以待之江河為地
之限人則舟楫以通之天地有所不能者人則為之
此人所以與天地參也且父母怒人子不敢疾怨起
敬起孝故易曰君子以恐懼修省詩曰敬天之怒三
代聖王克謹天戒鮮有不終漢文之世同日山崩者
二十有九日食地震頻年有之善用此道天亦悔禍
海內又安此前代龜鑑也願陛下法之因誦文帝曰

食求言詔帝悚然曰此言深合朕意可復誦之遂論說至四更乃罷

赦

甲午三十一年春正月知樞密院事巴延還自軍中

巴延時在大同

事其前

帝不豫乃驛召還

考元史世祖本紀三十一年

十一月河南江北行省平章巴延入為中書省平章政事位博果密上三十一年春正月知樞密院事巴延至自軍中官位各不同恭實兩巴延也續綱目于三十年則依本紀書以巴延為平章政事于三十一年則又不依本紀不書巴延至自軍中似以入為平章之巴延即至自軍中之巴延兩人混而為一今于

入為平章之巴延則以尋常命相不為特書于至自
軍中之巴延則以入受顧命兼採本傳特書之再考
元代之名巴延者不一其最著者一為平定江南追
封淮安王之巴延即此還自大同者也史有特傳一
為擁戴文宗至順帝時竄死南恩州之巴延與托克
托等同傳一為江西僉事講學聞州後死賊難之巴
延在儒學傳其至元三十年人為平章之巴延但見
本紀無列傳宰相表于是年又不列其名惟寶晉謂
德齊扎斯迪晉傳附載其子敏珠爾多卜丹有長子曰
巴延官中書省平章事未子曰巴延徹爾亦官平章
事合之本紀當即其人厥後以受朱清張瑄賂罷相
而又復官尋為武宗所誅者當亦即其人史以其人
無可紀故不為立傳今以其入相無所闕係故亦不
為特書其為平章以後之事則仍隨時具載但不使
是年兩巴延相混
故特揭之于此

帝崩

親王諸大臣發使告哀于皇孫知樞密院事巴延總

百官以聽

兵馬司請日出鳴晨鐘日入鳴昏鐘以防變故巴延呵之曰汝欲為賊邪其一如乎

日適有盜內庫銀者宰執欲誅之巴延曰何時無盜今以誰命誅之邪人服其有識

葬起輦谷

注見前

廟號世祖國語尊稱曰色辰皇帝

色辰蒙古語聰明天縱之謂元史舊

訛作薛禪今譯改史改曰世祖度宗洪廣知人善任使信用儒術用能立經陳紀所以為一代之制者

現模力遠矣

秦璽已為煨燼
昔人言之甚詳
崔或此舉或以
皇孫尚在北邊
恐上都宗室諸
臣起滋異說欲
假此以神道設
教耳不然穆呼
哩為元代世臣
既有此璽安敢
久匿不獻直待
身後家貧出鬻
耶

御史中丞崔或得傳國璽獻之

時穆呼哩曾孫索多

舊作碩德今改

已死而貧其妻出玉璽

一鬻之或以告或召秘書監丞楊桓

字武子宛州人

辨其文

曰受命于天既壽永昌此歷代傳國璽也遂獻之故

太子妃鴻吉哩氏妃以之徧示羣臣丞相以下次第

上壽慶曰神寶之出實當宮車晏駕之後此乃天意

屬於皇太孫也乃遣右丞張九思賁授之

夏四月皇孫特穆爾即位于上都

是為成宗

大赦

皇孫南還及宗室諸王會于上都定策之際親王有違言者伊實特穆爾謂晉王噶瑪拉曰宮車晏駕神器不可虛疇昔儲闈符璽已有所歸

授皇太子
實事具前

晉王

宗盟之長何俟而不言巴延亦握劍立殿陞宣揚顧命述所以立皇孫之意辭色俱厲諸王皆股栗趨殿下拜皇孫遂即位大赦

追尊皇考曰裕宗皇帝尊母鴻吉哩氏曰皇太后改太后所居舊太子府為隆福宮

家鉉翁在宋以
祈請使北行留
滯燕都幾二十
載同時奉使者
如高應松即以
不食而卒鉉翁
曾居執政視家
國淪覆竟不能

五月以伊實特穆爾為太師已延為太傅伊徹察喇為
太保

罷伐安南兵釋其使歸國

六月庚辰朔日食

賜宋使臣家鉉翁號處士遣還鄉

初世祖欲官鉉翁不受遂安置河間以春秋教授弟
子數為諸生談及宋興亡之故輒流涕太息至是年
逾八十詔賜號處士放還鄉里錫予金幣皆不受尋

卒

秋七月詔中外崇奉孔子

博果密罷為陝西平章政事尋復留之

持一死以報宗
邦仍然教授生
徒醜顏人世雖
感興亡而流涕
亦不足以掩其
羞且景迫桑榆
猶復受處士之
號更獨何心銓
翁既精治春秋
尤當明於大義
正不得因其未
受新朝爵祿稍
為原諒耳

初世祖崩時博果密得預顧命丞相鄂勒哲以其年
位在下深忌之帝知其故慰勞之曰卿先朝腹心惟
朝夕啟沃匡朕不逮庶無負先皇付託之重廷議大
事多從其言河東守臣獻嘉禾博果密曰汝郡內所
產盡如是邪曰惟此數莖耳博果密曰如此則既無

益于民何足為瑞遂罷遣之西僧作佛事請釋罪囚

析福謂之都勒幹

舊作禿魯麻今改

豪民犯法皆賂之以求

免有殺主殺夫西僧請被以帝后服乘黃犢出宮門
釋之云可得福博果密曰人倫者王政之本風化之
基豈可容其亂法如是帝責丞相曰朕成汝無令博
果密知今聞其言朕甚媿之使人語博果密曰卿且
休朕今從卿言有奴告主者主被誅即以其主所居
官與之博果密言若此必大壞天下風俗無復上下

之分矣帝悟為追廢前命丞相以下多與謀議不合
奏以為陝西行省平章政事太后謂帝曰博果密朝
廷正人先皇帝所付託豈可出之于外邪乃復留之
冬十月帝至自上都

帝巡狩賽音布拉克

舊作三不
判今改

川地

方輿紀要賽音
布拉克川在故

開平
衛境

董文用言先帝新棄天下陛下巡遊不以時無

以慰安元元且人君猶北辰居其所而衆星拱之不

在勤遠畧也宜趣還京師帝悟始還

弛江西銀冶課額

江西省臣言銀冶歲輸萬一千兩而未嘗及數民不能堪命自今從實辦之不為額

十一月罷江南行樞密院

初江淮湖廣江西各立行樞密院江南省臣累請罷之帝以問已延時已延己屬疾張目對曰內而省院各置為宜外而軍民分隸不便帝從之遂罷三院以其事歸行省

以何瑋

易州易縣人伯祥之子

為參知政事巴延徹爾為參議省

事

初帝諭右丞相阿里參政梁德珪

字伯溫大興良鄉人

曰中書

政務卿等皆懷怠心又不約束吏曹使選人留滯僧

格雖姦邪然僚屬憚其威政事無不立辦卿等其約

所屬不事事者懲之時省臣凡十一人至是以瑋參

知政事瑋曰古者一相專任賢也今宰執員冗政出

多門轉相猜忌請損之不從巴延徹爾平章政事巴

延

即三十年十一月八日為平章者

弟也巴延曰臣叨平章政事兄弟

宜相嫌避帝曰兄平章于上弟參議于下何所嫌也

十二月太傅知樞密院事巴延卒

諡忠武

巴延深沉有謀畧善斷將二十萬衆伐宋如將一人

諸將仰之若神明還朝未嘗言功及是卒贈太師追

封淮安王

禁侵擾農桑者

成宗皇帝

乙未元貞元年春正月以劉國傑為湖廣行省平章政事

辰澧地接溪洞宋嘗選民立屯免其絲役使禦諸蠻
在澧曰隘丁在辰曰寨兵宋亡皆廢國傑悉復其制
又視盜出沒之地置戍三十八所分屯將士以守之
由是東盡交廣西亘黔中周湖廣四境皆有屯戍制
度周密諸蠻不能復寇入朝賜玉帶錦衣旌其功臺
臣言國傑在軍中每傾家貲賞賚將士帝命估償之

二月帝如上都

以後諸帝往還上都俱于首年
書之其或因事特書不在此列

留夢炎葉李男
事二姓大義已
乖其餘均無足
置議况葉李改
絃晚節有薦僧
格其視夢炎前
此之依阿取容
相去無幾世祖
第因其曾効似
道謂葉優于留
亦非定論若孟
顥僅舉其學問
為衡妄加軒輊
取末而遺其本

留夢炎致仕

上以其在朝言無所隱厚賜遣之

初世祖嘗問夢炎

頗對曰夢炎臣之友執其人重厚篤于自信好謀能
斷有大臣器葉李所請之書臣皆讀之所知所能臣
皆知之能之世祖曰汝以夢炎優于李邪夢炎為宋
狀元至宰相當賈似道誤國依阿取容李以布衣乃
伏闕上書是
賢于夢炎也

三月安南入貢

地震

夏四月廣京師賑糶米肆

尤非持論之公
蓋亦自愚于言
不特阿私所好
耳

帝以京師米貴益廣世祖之制設三十肆發米七萬
餘石糶之其肆每年增糶多至四十萬石行之既久
多為強豪巧取乃令有司籍貧民戶數驗口給之減
賑糶之直三分之一每歲亦不下二十餘萬石

閏月蘭州河清

上下三百餘里凡三日

釐正選法

省臣言阿哈瑪特僧格怙勢賣官不別賢否選法大

壞乃詔敏珠爾多卜丹與何榮祖等釐正之

五月升江南諸縣為州

以戶為差戶四萬五萬者為下州五萬至十萬為中

州凡為中州二十八下州十五又以戶不及額降連

州

注見前

路為州

六月汴梁諸路災

汴梁蝗利州益州煥泰安曹州濟寧水安西

元陝西行省至

京北至元十六年
改京北為安西路

延安鞏昌慶陽環州旱

時許展為
陝西行省

右丞以關中饑議發廩賑之同列以未經奏請不可
展曰民為邦本今饑餒若此若俟命下無及矣擅發
之罪吾當任之遂發粟賑貧命亦
尋下
許康字君甫絳州曲沃人

秋九月帝還大都

冬十一月太師伊實特穆爾卒

後追封為廣平王

諡貞憲

十二月立皇后巴約特

舊作伯岳吾今改

氏

駙馬托里實克之女舊作托里斯今

改

丙申二年春正月諸王公主駙馬母輒罪官吏

時諸王錫錫

舊作小薛

等部曲及駙馬曼濟台

舊作榮子台今改

恣橫擾民私殺有罪有司官吏輒被號召至是詔非奉旨毋得專擅加罪

二月以博果密為昭文館大學士平章軍國事丹津為平章政事

博果密顧命元臣惟常朝夕左右以酬委任乃因顧忌同列稱疾不朝是視公家之事惟以便

博果密以與同列多異議久稱疾不出帝曰朕知卿疾之故以卿不能從人人亦不能從卿也欲以丹津代卿何如博果密曰津實勝臣乃拜博果密為昭文

其計較之私豈大臣所宜出此而成宗既知其不諱于衆即當諭以大義促其出而倚畀之顧以群議從違下重臣留去其中已漫無主持人豈馭下之道哉

館大學士平章軍國重事辭曰是職也國朝惟史天澤嘗為之臣不敢當制去重字而以津代為平章政事

夏六月頒官吏受賕條格

凡十三等南臺御史大夫阿喇卜丹

善衛子舊作阿老兀丁今改後

仿此言立法貴于輕重得宜使民不至易犯今所降條

格除枉法外其不枉法者自二十兩以下罪與受一

分者同科似輕重少偏然終未之改也

秋八月立捕盜賞格

御史臺臣言內地盜賊衆多乞立條格督責所屬期至盡滅乃詔諸人能告捕者強盜一名賞鈔五十貫竊盜半之應捕者又半之皆徵諸犯人無可徵者官

給之

時盜賊羣起山東居多復詔求弭盜方畧山東東西道廉訪使陳天祥上疏曰盜賊之起各有

所因除歲凶饑饉之天時宜且勿論如軍旅不息工役薦興厚斂煩刑皆足致盜中閭保獲滋長之者赦令是也赦者小人之幸君子之不幸彼強梁之徒執兵殺人有利盡以擒之朝廷加恩以釋之旦脫係累暮即行劫既不感恩又不畏法夫凶殘悖逆性已預定誠非善化所能移惟嚴刑以制之可也疏上乃嚴

皆有司追捕自其所部南至漢江二千餘里多就
擒者 山東東西道元置屬中書省領濟南等路

括江南隱蔽田

凡已延阿珠阿爾哈雅等下江南所據田及權豪隱
蔽者悉括之令輸租

冬十月贛州民作亂江西行省左丞董士選

字舜卿文炳次子

討平之

贛州民劉六十聚衆萬餘建立名號朝廷遣將討之

觀望退縮賊勢益盛士選請自往進至興國

注見前

距

其營不百里命將校分兵守地待命察知激亂之人
悉置于法復誅奸民之為囊橐者于是民爭出自效
數日六十就擒餘衆悉散事平士選遣使奏聞但請
黜賊吏數人而已畧不及破賊事時稱其不伐

丁酉 大德元年春正月太后幸五臺山

在山西代州五臺縣東北五峯崇峻

高出雲表山上無林木有如壘土之臺故名元和志云道經以為紫府山內典以為清涼山

初為太后建寺于五臺山司程陸信等董其役驅迫
民夫冒險入山谷伐木運石死者萬餘人及太后臨

幸五臺河東廉訪使王忱因言建寺本以福民今福未及而害已甚恐非朝廷意也太后聞之為減其役

仍賜恤死者之家

太后之將幸五臺也監察御史李元禮上疏諫止責臣不承以聞其

後侍御史烏遜與中丞崔或有隙取元禮章封入奏之曰崔中丞私比漢人李御史大言謗佛帝大怒敕鄂勒哲博果密勒之鄂勒哲曰往吾亦嘗以此諫太后曰我非喜建此寺蓋先帝嘗許為之非汝所知也博果密曰他御史懼不敢言言者惟一元禮可賞也鄂勒哲等為帝言之帝沈思良久曰御史言是也乃罷烏遜復元禮職

李元禮字庭

訓正定人烏遜舊作萬僧今改

夏四月癸巳朔日食

秋七月河決杞縣蒲口

在縣北舊為汴水分流處

先是河決汴梁發丁夫三萬塞之至是蒲口復決乃

命廉訪使尚文

字周卿祁州深澤人徙保定

相度形勢為久利之

策文言河自陳留抵睢東西百有餘里南岸視水高六七尺或四五尺北岸故隄水視田高三四尺或高下等大較南高于北約八九尺隄安得不壞水安得不北也蒲口今決千有餘步東走歸舊瀆行二百里至歸德橫隄以下復合正流或彊遏之上決下潰功

棄地與水在洪荒之世則然速後世戶口日繁郡邑相望惟有隨宜堵塞以使之順軌而已若蒲口之決河北悉被其害一旦欲舉千里之田疇廢棄皆坐視其委棄洪濤將何以為生民保障即使量遷他所給與世業而舍此就彼已違斯民安土之情

不可成揆今之計河北郡縣宜順水性築長隄以禦汎溢歸德徐邳之民任擇所便避其衝突被害民戶量給河南退灘地以為業異時決他所亦如之亦一時救患之良策也蒲口不塞使帝從之會河朔郡縣及山東憲部爭言不塞則河北桑田盡化魚鼈之區塞之使帝復從之是後蒲口復決障塞之役無歲無之而水北入河復故道竟如文言

冬十月哥卜察克都指揮使緯爾和

圖圖爾哈第三子
塘作林兀兒今改

況河身變徙無常設異日復決而南又將更遷何所乎尚文所陳蓋勸製貴謀故說撥之時勢萬不可行其後此之潰決復開以致連年障塞者實由修築未堅故不能久資鞏固耳當時論者乃以為文言果驗而不知考隄防工作之由何其昧于識也

攻破巴林之地

按巴林舊作八鄰據元史志傳考之其地應在今阿爾泰山西北又考元裔順

義王諱達居西北邊其子有巴林台吉之號後東徙為今巴林部落八鄰蓋係巴林之訛諱達舊作俺答今改還擊海都軍敗走

巴林之地時為海都所據綽爾和帥師踰金山

注見前

進攻之其將達蘭台

舊作特靈台今改

阻達嚕噶

舊作答魯忽今改

河

與下阿魯河俱在阿爾穆爾境阿爾穆爾舊作阿力麻里今改

而軍伐木柵岸以

自庇士皆下馬跪坐持弓矢以待綽爾和奮師馳擊

大破之盡得其人馬廬帳還次阿魯

舊作阿雷今改

河與海

都援將巴拜

舊作索伯今改

遇綽爾和麾軍渡河感之巴拜

敗走僅以身免

以吳元珪

字昂章廣平人

為吏部尚書

時選曹銓注多有私其鄉人者元珪曰此風不可長

自視事請謁悉謝絕

十二月禁諸王駙馬奪民田

仍禁民間以公私土田呈獻及受其獻者

戊戌二年春正月增太廟牲用馬

從伊徹察喇請也凡舉大祭其馬牲既與三牲同登于俎而割尊之饌復與遵豆俱設將奠牲盤酌馬湏則蒙古太祝升詣第一座呼帝后神諱以致祭年月日數牲齊品物致其祝語列室皆如之禮畢則以割奠之餘撒于櫺星門外名曰拋撒茶飯蓋以國俗行事尤所重也

二月以張九思梁德珪並為平章政事

初太子珍戡卒朝議欲罷詹事院九思時為詹事丞

抗言曰皇孫宗社人心所屬詹事正所以輔成道德
奈何罷之尋進拜中書左丞德珪于世祖時參知政
事治事有敏才京師地震世祖怪州郡報囚之數過
多德珪曰當國者急于徵索蔓延收繫以致此爾帝
悟為赦中外逋負尋拜右丞至是並為平章政事
罷中外土木之役

先是中書省臣屢言諸藩戚賜與繁重向之所儲散
之殆盡至是遂諭省臣會計天下財帛歲入及賜與

營建歲費之數丞相鄂勒哲言歲入之數不償所費
又豫于至元鈔本借二十萬錠因以節用為請帝為
罷中外土木之役

開鐵幡竿渠

元時上都渠名今宣化府獨石口東北有
鐵幡竿嶺在故開平城南渠蓋導源于此

時欲開鐵幡竿渠名郭守敬至上都議之守敬曰頻
年山水暴下非為大渠堰廣五七十步不可執政咨
于工費以其言為過縮其廣三之一明年大雨山水
注下渠不能容漂没人畜廬帳幾犯行殿帝謂省臣

曰郭太史神人也惜其言不用耳

三月以兩淮閒田給蒙古軍

夏六月徵湖廣夏稅

初阿爾哈雅下湖廣罷宋夏稅用內郡例改科門攤
每戶一貫二錢蓋視夏稅增欽五萬餘錠至是宣慰
張國紀復請科夏稅與門攤並徵湖湘重罹其害御
史臺以為言詔趣罷之尋復改門攤為夏稅併徵之
每戶計三貫四錢以上視江浙江西為差重云

秋七月大雨河決

漂沒歸德屬縣田廬禾稼詔免田租一年遣尚書諾
海御史劉賡等塞之自蒲口首事凡築九十六所

召高麗王諲入朝

先是高麗王叵傳國于其子諲

詔以諲為高麗王叵為逸壽王

至是

有言諲僭設司空司徒等官又擅殺無罪及自造歷
等事中書請詔諲入朝因留不遣復以叵為高麗王

江西江浙水

賑饑民二萬四千九百有奇

冬十二月定歲課三十取一

命廉訪司歲舉廉幹者各二人

彗星見

出子孫星下

冬東南之軍市西南二星曰丈人大人東二星曰子子東二星曰孫見晉書天

文志

駙馬高唐王奇爾濟蘓

翁觀部人沙陀雁門之後舊作擁爾集斯翁觀舊作汪古今改

勒兵備邊遇寇敗沒

先是諸王伊額布

太宗第六子哈丹大王之子舊作也不干哈丹舊作合丹今改叛

奇爾濟蘓屢禦之有功至是諸王將帥議備邊事成

曰敵往歲不冬出且可休兵于境奇爾濟蘇獨嚴兵

待之冬敵果大至奇爾濟蘇三戰三克乘勝逐北馬

躡為敵所執誘使降不屈又欲妻以女奇爾濟蘇毅

然曰我天子婿也非天子命而可再娶乎竟不屈死

焉

後追封趙王諡忠憲

己亥三年春正月遣使問民疾苦

應天以實不以
文省臣即欲以
變理自居蓋當
勤修職事以致
嚴懼未聞引咎
避位即可消乖
沴而召休嘉漢
代策免三公實
可嘆鄙秦何轉
仿效之乎

省臣以天變屢見請依故事引咎避位上曰此漢人
所說豈可一一盡從耶卿但當擇賢者任之爾時翰
林學士閻復亦因星變上書陳數事且言古者刑不
上大夫今郡守之貴以徵租受杖非所以勵廉隅江
南公田租太重宜減以貸貧民多采用之
以哈喇哈斯為左丞相

帝問閻復曰中書左相難其人卿試舉所知誰可任
者復以哈喇哈斯對遂由江浙左丞相召入用之

二月遣僧一山使日本

江浙平章政事伊蘓岱爾

舊作也速答兒今改

復勸帝用兵日

本帝曰今非其時因其俗奉佛遂遣一山往使而日本竟不至

命何榮祖等更定律令

帝諭榮祖曰律令良法也宜早定之既而書成上之且言臣所擇者三百八十條一條有該三四事者帝曰古今異宜不必相沿詔元老大臣聚聽之未及頒

行而榮祖卒

諡文憲

夏五月立征東行省

領府二司一勸課使五考元史地理志征東行省大德三年立未幾

罷至治元年復立令高麗國王為左丞相續綱目于此作復立與地志不合今依志不書復

高麗王昺既復爵已而使臣自其國還者言昺不能

服其衆乃立征東行省以福建都元帥奇爾濟蘇

此又

一奇爾濟蘇蒙
古阿齊台氏

為平章政事共理之

秋七月放江南僧寺佃戶五十萬為編民

江南編民五十餘萬悉為嘉木揚剌勒智入寺籍為

佃戶至是因省臣言檢放之

八月己酉朔太史院奏日食不應

是日己時依歷法當日食二分有奇至期不食衆懼

保章正

太史院官
秩正七品

齊履謙

字伯恒
善推步

曰當食不食在古

有之矧己時近午陽滅陰微故當食不食遂考唐開
元以來當食不食十事以聞

冬十二月以謬爾根薩里為平章政事

帝初撫軍北邊數召謬爾根薩里不往世祖遣奉皇

太子寶僅一至及即位語之曰朕在潛邸誰不願侍朕者惟卿數名不往真得大臣體自是召對不名賜

坐視諸侯王嘗語左右曰若全平章

諤爾根薩里父別名萬全故以

全為氏

真全材也命復入中書

命兄子哈尚

帝兄達爾瑪巴拉之長子即武宗按哈尚舊作海山達爾瑪巴拉舊作荅喇麻八

刺今並改後仿此

鎮漢北

帝以寧遠王庫庫楚

世祖第八子後封寧王舊作闊闊出今改

總兵北邊

怠于備禦哈尚即軍中代之

省民出公田租

時公田為民害而荆湖尤甚部內實無田隨民所輸

租取之戶無大小皆出公田租雖水旱不免荆湖宣

慰使勒芝喇幹

塘古特烏密氏功臣察罕從孫舊作立智理威今改

上民所不

便十餘事于朝其言公田尤切廷議遣使理之會有

詔凡官無公田者給俸民力少蘓焉

庚子四年春二月丁未朔日食

皇太后鴻吉哩氏崩

后有賢德及是崩諡徽仁裕聖皇后

后事昭睿順聖皇后執婦道甚

謹及尊為太后置徽政院掌其財賦院官有受獻浙西田七百頃者籍于位下后曰我寡居婦人衣食自有餘況江南率土皆國家所有曷敢私之即命盡易院官之受獻者后之弟欲因后求官后拒之曰勿以累我也

夏五月緬阿散哥也弒其王的立普哇拿阿迪提牙遣

雲南平章政事色辰額呼

舊作薛超兀兒今改後仿此

等發兵討之

初緬人僧哥倫作亂緬王執其兄阿散哥也尋釋之

阿散哥也乃率其黨囚王于豕牢因弒之王次子窟

麻刺哥撒八奔惣京師詔遣色辰額呼等率行省兵

二千人討之

已而詔立窪麻刺哥撒八為緬國王

昭文館大學士平章軍國事博果密卒

諡文貞

博果密雖歷顯要而家素貧卒無以葬賜鈔贖之

初世

祖嘗謂博果密曰太祖有言人主理天下如右手持物必資左手承之然後能固卿實朕之左手也博果密每陳說古今治要世祖必拊髀嘆曰恨卿生晚不得早聞此言然亦吾子孫之福臨終以白璧遺之曰他日持此以見朕也至大時贈魯國公

秋八月更定蔭敘格

正一品子敘正五從五品子敘從九餘以是為左

冬十二月遣雲南行省左丞劉深將兵擊八百媳婦西南

蠻世傳其酋有妻八百各領一寨故名其地東接車里西與緬鄰距雲南布政司三十八程

先是緬賊阿散哥也倚八百媳婦為援其勢張甚至
是鄂勒哲因劉深之言勸帝曰世祖以神武一海內
功蓋萬世今陛下嗣大歷服未有武功以彰休烈西
南夷有八百媳婦未奉正朔請往征之哈喇哈斯曰
山嶠小夷遼絕萬里可諭之使來不必遽勤兵力不

聽竟發兵二萬命劉深及哈喇岱

舊作哈喇岱
今改後仿此

等將

之以往御史中丞董士選亦言不當輕信一人妄言而寘百萬生靈于死地帝變色曰事已成卿勿復言麾之出

丑年五年春正月罷征東行省

先是征東行省平章竒爾濟蘇言高麗王擅署官府及僭用天子禮儀器物況官冗民稀刑罰不一若止依本俗行事實難撫治帝遣刑部尚書王泰亨等往

釐正之既而王昫言設省監制其國不便帝亦以奇爾濟蘇不能和輯高麗遂罷行省徵還之

夏五月劉深兵次順元

今貴州貴陽府元為順元安撫司治

蠻酋宋隆濟

黔記宋開寶間有真定人宋景陽奉詔平定羣蠻因置大萬谷落總管府授之其後子孫分長溪崗自宋元迄明所謂水

東宋氏也

等連兵反

劉深等取道順元遠冒烟瘴未戰士卒死者什已七八驅民轉餉谿谷之間一夫負粟八斗率數人佐之數十日乃達死者亦數十萬人中外騷然深復令雲

南調民供餽及脅求水西

蠻地名黔記蜀漢時蠻大
濟從諸葛武侯南征有功

封羅甸王凡數十世保有水西之地明時土司安氏
即其後也通志本朝康熙間安氏叛討平之置黔

西府後改爲州
屬貴州大定府

土官之妻蛇節金三千兩馬三千匹

隆濟因結其衆曰官軍徵發汝等將悉剪髮黥面爲

兵衆惑之隆濟遂連蛇節率苗獠諸蠻攻破楊黃諸

寨

蠻寨名

進攻貴州

元置明改新貴
縣今省入貴筑

知府張懷德力戰

敗死遂圍深窮谷中梁王自雲南遣兵救之賊衆稍

却

秋七月詔移征緬兵伐金齒諸蠻

先是緬阿散哥也遣其弟赴闕自陳殺主之罪乃罷
征緬兵及是師還為金齒遮士多戰死金齒地連八
百媳婦諸蠻相效不輸稅賦賊殺官吏詔遣色辰額
呼等移征緬兵討之

八月彗出井入紫微垣

凡四十六日而滅

後二年彗復出紫微垣七十四日而滅

海都復大舉入寇哈尚大破之海都走死

海都與都爾幹

舊作篤
吐今改

諸部大舉入寇哈尚躬督綽

和爾等五軍合擊大破之阿實克

伊奇哩氏呼蘭子
舊作阿什呼蘭舊

作忽憐
今改

射都爾幹中膝號哭遁去海都不得志引還

旋亦死

九月誅高慶察罕布哈免色辰額呼為庶人

先是色辰額呼及高慶等圍緬未奉移兵金齒之詔

慶等已受緬人金賂倡言炎暑瘴癘色辰額呼遽引

兵還及是事聞詔遣官鞠之盡得將校受賂狀詔誅

慶及察罕布哈色辰額呼等遇赦削奪官爵為庶人
禁酒

時以歲凶禁酒仍弛山澤之禁聽民漁獵

冬十月益海運糧

以歲內歲饑增明年海運糧為百二十萬石

十一月遣劉國傑率師討宋隆濟及蛇節

劉深兵敗帝始悔不用哈喇哈斯及董士選之言乃

遣劉國傑及楊賽音布哈

本名漢英字熙載其先太原人自唐時平播州世有

其地元世祖初漢英父納土遂賜漢英名賽音布哈等率四川雲南湖廣各省

兵分道進討諸蠻別敕梁王提兵應之軍中機務一

聽國傑處分

壬寅六年春正月免朱清張瑄官尋誅之

二人父子致位顯要

清瑄初為海道運糧招討使後又以清為中萬戶賜虎符瑄子

文虎為千戶賜金符

宗戚皆累大官田園館舍徧天下巨艘大

舶交諸番中廩藏倉庾相望車馬填塞門巷從僕佩金虎符為萬戶千戶者累數十人江南僧石祖進撫

其不法事上聞時中書亦言二人屢致人言宜罷其官詔御史臺鞠之既而伏誅尋籍其家禁錮其親屬

流其妻子遠方

初二人被逮時以金珠賂江浙平章托克托祈赦其罪托克托以開帝喜

曰托克托我家老臣子孫其志固宜與衆人殊也賜內帑黃金五十兩以旌之托克托舊作脫脫今改

穆呼哩後薩滿之子

劉深引兵還

宋隆濟累攻圍貴州不解深等糧盡道格不通遂引

兵還隆濟復率衆邀之輜重委棄士卒殺傷殆盡

南

劉深邀功起釁
又復肆行誅擾
激變蠻方其罪
固無可貸但蠻
人既抗拒王師
卽爲國法所不
宥自當聲罪進
剿以伸天討而
播國威陳天祥
乃請下詔招諭
謂彼必自相歸
順庸懦之見實
昧事機無論征
伐不庭勢難中
止既使其貌爲
降附而蠻夷狡

御史中丞陳天祥上書諫曰八百媳婦乃荒裔小夷
取之不足以爲利不取不足以爲害而劉深欺上罔
下帥兵伐之中途變生所在皆叛食盡計窮倉皇退
走喪師十八九棄地千餘里朝廷又發各省之兵以
圖收復比間從征者言經過之地皆重山複嶺陡澗
深林其窄隘處僅容一人一騎賊若乘險邀擊我軍
雖衆亦難施爲或諸蠻遠遁阻隘以老我師進不得
前旁無所掠將不戰自困矣且自征伐倭國占城交
緬諸夷以來近三十年未嘗有尺土一民之益計其
所費可勝言哉去歲西征及今此舉何以異之乞早
正深罪仍下明詔招諭彼必自相歸順不須遠勞王
師與小媿爭一旦之勝負也苟謂業已如此欲罷不
能亦當詳審成敗算定而行彼諸蠻皆烏合之衆必
無久能同心捍我之理但急之則相救緩之則相疑
以計使之互相讐怨待彼有可乘之隙我有可勦之
時徐命諸軍數道俱進服從者懷之以仁抗敵者威

猾反覆又何足
信乎其後西南
夷相承煽亂皆
以供輸煩勞為
詞則由司事者
之撫馭失宜不
得謂天祥能料
于先事也

之以武思威兼濟功乃易成若復舍恩任威深陷覆
轍恐他日之患有甚于今日者矣不報遂謝病去

二月帝有疾

三月赦

西南夷俱叛遣陝西行省平章政事伊蘓岱爾

剛里人等

討平之免劉深等官

烏撒

元路名為軍民府今改威寧州屬貴州大定府

烏蒙

元路明為軍民府屬四川今改昭通

府屬雲南

東川

元路明軍民府屬四川今府改屬雲南

芒部

元路明改鎮雄軍民府今為州

屬昭通府

及武定

元路明為府屬雲南威楚

元路明改鎮雄府今府屬雲南

普安

元路明為州今州
屬貴州南籠府

諸蠻因蛇節之亂皆以供輸煩勞

為辭東蠻起兵攻掠州縣焚燒堡砦遣伊蘓岱爾等
將兵會劉國傑討之時國傑方討順元蠻不及來會
伊蘓岱爾等率師分道並進次第平之

夏五月太廟寢殿災

六月癸亥朔日食

太史院失于推筴詔議其罪

秋九月龍興

今江西南昌府
元時為龍興路

民訛言括童男女

至有殺其子者命捕為首者三人誅之訛言始息

癸卯 七年春二月詔定中書省官

詔中書省設官自左右丞相而下平章政事二員左

右丞各一員參知政事二員定為八府

此中書省官數本至元二

十二年舊制已詳前注今因更定八府故復載之據元史百官志至元末中書省平章或增至六員蓋已非復舊制是年所以更定也乃八府之制止見成宗本紀而不官志不載此必志有脫漏今依本紀輯

三月遣使巡行天下

罷職污官吏萬八千四百七十三人審冤獄五千一

元代設官分職皆有定數可稽若職污官吏多至一萬八千餘

人是天下竟無
一潔清自守者
即云貪黷成風
亦不應若是之
甚況至元中定
制犯賊至百貫
以上即論死考
數未嘗少縱又
何至積如許墨
吏待巡行使之
概為劾罷耶如
果同時盡予斥
免則官僚且為
之一空何未聞
另選多人以補
其缺耶史載元

百七十六事

劉國傑敗宋隆濟及蛇節于墨特川

在貴陽府西北

擒斬之

初國傑師出播州境與賊遇戰失利乃令軍士人持
一盾布釘其上俟陣合即棄盾佯走賊果逐之馬遇
盾皆仆國傑鼓譟趣之賊大敗既而餘寇復合要戰
國傑不應數日命楊賽音布哈分兵先進大軍繼之
賊兵潰乘勝逐北千里殺獲無算遂破之于墨特川
擒斬蛇節隆濟遁去尋為兄子宋阿重執之來獻詔

事皆不免過甚
之詞揆之于理
殊不可信

斬之餘黨相繼平

復以特爾格為平章政事

初特爾格乞解機務詔仍以平章議中書省事時諸
王朝見未有知典故者帝曰惟特爾格諳之凡賜予
諸王禮節悉命掌行至是復以為平章政事

鄂勒哲及巴延等俱坐賊巴延等免官鄂勒哲釋不問
朱清張瑄以金帛結貴近無不受其賂者事敗監察
御史杜肯構等言鄂勒哲等與二人交通宜罪之詔

巴延密剌卜和卓

舊作述兒
火者今改

梁德哇巴特瑪琳沁

舊作

八部馬
卒今改

等謫戍遠邊丹津諤爾根薩里等罷職不叙

俱籍其家惟鄂勒哲不報既而御史及樞密院臣復
言中丞董士選亦嘗貸二家鈔為非義帝曰既云稱
貸不必問也

誅劉深罷雲南分省

時有司會赦議釋深罪哈喇哈斯曰徼名首釁喪師
辱國非常罪比不誅無以謝天下遂誅之

蘭谿處士金履祥

其先本姓劉五季時避錢鏐嫌名改姓金氏履祥字吉父卒

履祥少從學同郡王栢及何基之門造詣益遠晚歲

屏居金華山

在金華府金華縣北一名長山元和志長山赤松子得道處

中講道

著書以淑後進

所著有通鑑前編大學章句疏議論孟集注考書表注授門人許謙以傳

許謙字益之金華人

當時以為基之清介純實似尹和靖栢

之高明剛正似謝上蔡履祥則親得之二氏而並充

於己者也家在仁山

在金華府蘭谿縣西與道峯山相對

之下學者因

稱仁山先生

至正中賜諡文安

夏閏五月戊午朔日食

右丞相鄂勒哲卒

元貞以來鄂勒哲號為賢相特朱清張瑄之賂帝釋

不問人皆疑之

後追封興元王諡忠憲

六月遣蒙古軍戍瓜沙二州

御史言瓜沙二州為邊鎮重地今大軍內屯甘州使

官民反居邊外非宜乞以蒙古軍萬人分鎮二州險

隘兼立屯田以供軍從之

既而簽樞密院齊諾言蒙古兵在山東河南者往戍

甘肅動涉萬里裝囊鞍馬皆其自備每行必鬻田產甚者或賣妻子戎者未歸代者常發前後相仍困苦日甚請以近甘肅之兵戍之其在山東河南者免戍詔從之齊諾裕爾別里伯雅烏爾氏舊作齊努玉耳別里伯牙吾兒氏今改

秋七月都勒幹遣使乞降

都勒幹敗聚其屬及海都之子

名徹伯爾 按徹伯爾舊作察八兒今改

謀遣使請命使至伊徹察喇會諸王將帥議曰都勒

幹乞降當待命于上然往返再閱月恐失事機乃使

瑪古哈喇

舊作馬兀合刺今改後仿此

往報之既遣始以聞帝嘉

之詔慎飭軍士安置驛傳以俟自是諸王叛者相率
來歸

兩浙大饑

平江等十五路霖雨害稼詔發粟賑民一月仍減直
糴米三十萬石協濟之時台州諸路旱饑尤甚行省
檄浙東元帥托歡徹爾舊作脫歡
察兒今改賑之托歡徹爾殘

虐不恤治中陳孚訴于宣撫使亟發粟以賑民之殍
者已十六七

以哈喇哈斯為右丞相阿古岱

舊作阿忽台
今改後仿此

為左丞相

二相為武宗繼
統所係故特書

八月地震

平陽大原尤甚村堡移徙地裂成渠壞廬舍萬八百
區人民壓死不可勝計詔問致災之由齊履謙言地
為陰主靜妻道臣道子道也三者一失其道則地為
之不寧弭之之道大臣當反躬責己去專制之威以
答天變不可徒為祈禳也時帝寢疾宰臣及中宮專

政故屢謙言及之集賢大學士陳天祥亦上書極陳
陰陽不和天地不位為時政之弊言尤切直執政者
惡之抑不以聞天祥自被召起且一歲每以不得一
見帝言勢勢不自釋尋復謝病歸

遣翰林直學士王約字考傳
真定人使高麗徵其臣吳祈入朝

尋流之安西

昨既復位厚斂淫刑國人羣愬于朝因得其國相吳
祈崙權離間王父子狀詔遣約諭之曰天地間至親
者父子至重者君臣小人知自利寧肯為汝家國地

邪詎泣謝罪且請予諒還國奸人黨與悉從約治遂
徵祈赴闕鞠之流安西

冬十月詔互遷行省官之久任者

時諸道奉使言行省官久任多與所隸編民聯姻殊
為害政詔互遷之

十二月詔翰林太史院官勿致仕

時詔內外官七十者並聽致仕獨郭守敬以先朝舊
德朝政多諮之累請謝事不許自是凡翰林太史官

不許致仕著為令

甲辰

八年春正月京師地震

平陽尤甚民居摧毀帝不豫皇后召平章政事阿錫

葉

西域拂菻人舊作愛薛今改

問曰災異如此殆下民所自致耶

阿錫葉曰天地示警民何與焉

二月增置國子生

初增蒙古生百員至是增至二百員選宿衛大臣子

孫充之尋復分教于上都

夏五月癸未朔日食

秋九月復巴延等官

御史杜肯構等言巴延等樹黨受賕謫戍遠方道路相慶方經數月遽聞召復相位又與原鞠之人列坐朝堂天下目巴延梁德珪巴特瑪琳沁為三凶三凶不誅無以謝天下又況密喇卜和卓阿里等與之同惡相濟濁亂朝綱是以近年災異屢見雖朝廷存恤之詔累頒而禍亂之源未塞上失其政民受其殃乞

將羣畜或斥或誅明正其罪御史中丞何通亦以為
言前後章數十上皆不報

冬十月立哈尚為懷寧王

出鎮青海

在和林境元為屯田之所置倉庫以軍守之舊作稱海今改

己巳九年春三月隕霜殺桑

般陽

今山東濟南府淄川縣元般陽路治此

益都河間諸路凡殺桑二

百四十一萬七千餘本

夏四月大同地震

有聲如雷壞官民廬舍五千餘間壓死二千餘人

始定郊祀禮

元初代有拜天之禮然皆循用國俗

其初衣冠尚質祭器尚純帝后

親之宗戚助祭憲宗二年始以冕服拜天于日月山又用孔元措言合祭昊天后天土始大合樂作牌位以太祖膺宗配享世宗中統二年祀天于舊桓州之西北混馬漫以為禮皇族外無與至元十二年以受尊號始于國陽麗正門外建祭臺設昊天上帝皇地祇似二行一獻禮至大德五年合祭昊天上帝皇地祇五方帝于南郊遣左丞相哈剌哈至是哈喇哈斯等斯攝事孔元措乃孔子裔孫

言比年地震星變雨澤愆期歲比不登祈天保民之

事天子親祀者三曰天曰祖宗曰社稷而祭天尤大
陛下雖未及親祀宜如宗廟社稷歲時遣官攝行之
制下翰林集賢太常及中書議之以為周禮冬至圜
丘禮天夏至方丘禮地西漢元始間始合祭天地歷
東漢至宋千有餘年分祭合祭迄無定議然時既不
同禮樂亦異王莽之制何可法也今當循三代之典
祀天南郊而方丘之禮續議以聞又按周作壇壝三
成近代增四成以廣天文從祀之位今宜去其一成

以合陽竒之數每成高八尺一寸以合乾之九九壇
設丙巳之地以就陽位又古者器用陶匏席用蒙鼯
漢唐而後禮樂玉帛日益繁縟宋金多循唐禮今欲
修嚴非草創所能備舉宜取唐制損益而行之既而
太常復議尊祖配天之儀省臣曰自古漢人有天下
率尊祖以配天宗廟已有時享郊止祭天為宜中丞
何瑋曰嚴父配天不易之制也不從

六月立子德壽為皇太子

後十二
月辛

秋七月命兄子阿裕爾巴里巴特喇

達爾瑪巴喇次子
哈尚母弟即仁宗

按阿育爾巴里巴達喇舊作愛
育黎拔力八達今改後仿此

居懷州

時皇后秉政出阿裕爾巴里巴特喇與其母鴻吉哩

氏居于懷州

八月給曲阜林廟灑掃戶

以尚珍署田五十頃供祭祀

賈胡獻寶珠

西域賈人有獻寶珠求售者議以六十萬錠酬其直

省臣有謂左丞尚文者曰此雅庫特

舊作押忽
大今改

珠也

六十萬不為過矣文問何所用之答曰含之可不渴
熨面可使目有光文曰一人含之十萬人不得則誠
寶也若一寶止濟一人則用已微矣吾之所謂寶者
米粟是也有之則百姓安無則天下亂以公用較之
豈不愈於彼乎

丙午十年春正月罷江南白雲宗都僧錄司

汰其民歸州縣各寺田悉令輸租初南臺御史言江

記曰修其教不
易其俗齊其政
不易其宜中國
且然況馭藩服
乎立行省以監
人國本無裨于
實事而乃曲徇
臣工之請朝更

南寺觀田畝歷年詔免租賦上虧公額下侵民利其
所錄民戶或罹饑窘為其徒者坐視不卹乞於秋成
之時驗其頃畝減半徵之以備凶歲推賑其民庶幾
利害稍均不加費於官府也從之

夏五月遣高麗王諶還國復置征東行省

高麗王昨既卒遂遣諶還仍置行省鎮撫之

諶名章奏

言國中饑饉供億不勝請罷征
東行省從之事在至大元年

秋八月開成

元置開成府後改為州明省
故城在今平涼府固原州

地震

暮易至再至三
更復成何政體

先是晉寧

元路今山西平陽府是

冀寧

元路今山西太原府是

及諸郡地

數震至是開成又大震壞王宮

世祖子安西王鎮開成

及官民

廬舍壓死五千餘人

冬十二月帝有疾

丁未十一年春正月安西王阿南達

世祖次子莽噶拉木之子至元十七年襲

及諸王莽賚特穆爾入朝

皇后召之也

帝崩

廟號成宗國語稱曰額勒哲圖皇帝

按勒哲圖蒙古語有壽之謂元

史舊訛作完澤萬又

作完者篤今譯改

史臣曰帝承天下混一之後善于守成惟其末年連歲寢疾國家政事內則決于宮闈外則委于大臣其所以不至廢墜者則以去世祖未遠成憲具在故也

左丞相阿固岱等謀奉皇后臨朝以安西王攝政左丞相哈喇哈斯遣使迎懷寧王哈尚於漠北及其弟阿裕爾巴里巴特喇於懷州

后以已嘗謀出阿裕爾巴里巴特喇及其母居懷州

恐其兄懷寧王立必報前怨故命名安西王入京師
欲立之左丞相阿固岱平章賽音諾德齊巴延巴特
瑪琳沁及諸王莽賚特穆爾陰左右之謀斷哈尚歸
路奉皇后垂簾聽政立安西王輔之於是阿固岱以
祔廟及攝位事集廷臣議太常卿田忠良博士張昇
字伯高平州人曰制祔廟必書嗣皇帝名今將何書御史中
丞何瑋亦執不可阿固岱變色曰制自天降邪公等
不畏死敢沮大事瑋曰死畏不義爾苟外於義何畏

議遂寢時右丞相哈喇哈斯收百司符印封府庫稱疾守宿掖門內旨日數至皆不聽衆欲害之未敢發適懷寧王遣喀喇托克托

阿實克布哈之子

計事京師哈喇

哈斯令急還報復遣使南迎阿裕爾巴里巴特喇于

懷州

二月阿裕爾巴里巴特喇至自懷州誅阿固岱等執阿南達歸於上都

哈喇哈斯使至懷州阿裕爾巴里巴特喇疑未行其

傳李孟

字道復潞州上黨人

曰支子不嗣世祖之典訓也今宮

車晏駕大太子遠在萬里殿下當急還宮廷以安人

心阿裕爾巴里巴特喇乃奉其母還大都先遣孟趨

哈喇哈斯覘之適后使問疾哈喇哈斯所孟入長揖

引其手胗之衆謂孟醫也竟不疑既而知安西之變

有日還報曰事急矣不可不早圖之阿裕爾巴里巴

特喇曰當以卜決之孟召卜者謂曰大事待汝而決

第云其吉及入筮果吉孟曰筮不違人是為大同阿

裕爾巴里巴特喇喜振袖而起衆翼之上馬諸臣皆
步從入哭盡哀復出居舊邸安西之黨見阿裕爾巴
里巴特喇既至遂謀以三月三日偽賀其生辰因以
舉事哈喇哈斯許之夜遣人啟阿裕爾巴里巴特喇
曰懷寧王遠不能猝至恐變生不測當先事而發阿
裕爾巴里巴特喇復遣都萬戶囊嘉特舊作囊加歹
今改奈曼人
詣諸王圖喇太祖次子察罕台四世孫
舊作禿剌今改後仿此定計囊嘉特
力贊之乃先二日率衛士入內稱懷寧王遣使召安

西計事至即并諸王莽賚特穆爾執之械送上都收

阿固岱巴特瑪琳沁賽音諤德齊巴延等誅之諸王

庫庫

舊作闊闊今改後仿此

伊克圖

睿宗世子博綽之孫按伊克圖舊作牙忽都博綽舊

作撥綽今並改後仿此

進曰今罪人斯得太子實世祖孫宜早

正大位阿裕爾巴里巴特喇曰惡人潛結宮壺亂我

家法故誅之豈欲作威福以覬神器邪懷寧王吾兄

也宜正大位已遣使奉璽北迎之矣遂自監國與哈

喇哈斯日夜居禁中備變俾李孟參知政事孟損益

庶務裁抑僥倖羣小多不樂既而曰執政大臣自當
天子親用今鑾輿在道孟未見顏色誠不敢冒大任
固辭弗許遂逃去不知所之

夏五月懷寧王哈尚至上都廢皇后巴約特氏居東安

元州今為縣
屬順天府

殺之誅安西王阿南達及諸王莽賚特穆

爾遂即位大赦

初哈尚聞帝崩自阿勒台至和林諸王勲戚合辭勸
進王曰吾母及弟在大都俟宗親畢會議之阿裕爾

巴里巴特喇既平內難其母鴻吉哩妃惑於日者之言欲哈尚讓位阿裕爾巴里巴特喇哈尚聞之語喀喇托克托曰我捍邊陲十年又序次居長星命之言茫昧難信設我即位後所行上合天心下副民望則雖一日之短亦是垂名萬年何可以陰陽家言而乖祖宗之託哉此殆用事之臣擅權竊殺恐他日或治其罪故為是奸謀爾汝為我往察事機疾歸報我乃親率大軍由西道諸王昂輝

舊作按
灰今改

由中道綽和爾

由東道各以勁卒一萬從而遲迴不進托克托馳至
大都入道哈尚言妃愕然曰修短之說雖出術家為
太子周思遠慮乃我深憂今貪慾已除宗王大臣議
已定太子不速來何為汝所致言殆有讒間汝歸為
我彌縫之而趣其來先是妃以哈尚不至復遣阿實
克布哈迎之備道安西謀變始末及太弟監國諸王
羣臣推戴意至是托克托繼往行至中道哈尚與中
望見趣使同載托克托備述妃言哈尚大感悟既以

阿實克布哈為平章政事遣還報兩宮阿裕爾巴里
巴特喇即侍其母來會于上都哈尚遂即位

追尊考曰順宗皇帝尊母鴻吉哩氏為皇太后

加哈喇哈斯托多爾海

舊作朶兒
朶海今改

太傅達爾罕

舊作答
剌罕今

改

太保並錄軍國重事

以塔喇海為左丞相綽和爾阿實克布哈並平章政事
六月立弟阿裕爾巴里巴特喇為皇太子

成宗昔以皇孫
正位雖受皇太
子寶而名稱尚
未曾素阿裕爾

詔定祔廟之次

巴里巴特喇與武宗同氣既欲冊為儲貳自有西晉故事可循乃以介弟而下蒙太子之號名實混淆何以詔示天下其後明宗復踵而行之至順帝且尊嫡母為太皇太后名不正而言不順實武宗有以啟之矣

哈喇哈斯等言與翰林太常議皇考大行皇帝母兄也二帝神主依兄弟之次祔廟為宜擬諡皇考曰昭聖衍孝皇帝廟號順宗大行皇帝曰欽明廣孝皇帝廟號成宗升祔太廟太祖居中睿宗西第一世祖第二裕宗第三順宗東第一成宗第二先元妃鴻吉哩氏宜諡曰貞慈靜懿皇后祔成宗廟制可

胡粹中曰
睿宗裕宗

順宗皆未嘗居天子之位但當祔食於其所出之帝而各為立廟已非禮矣況成宗為君時順宗為之臣豈有依次序祔而躋順宗于成宗之上者乎失禮之中又失禮焉哈喇哈斯何瑋諸臣何能逃其責乎

秋七月封圖喇為越王左遷右丞相哈喇哈斯為和林左丞相以伊徹察喇為和林右丞相進爵淇陽王

初皇太子入定內難阿固岱有勇力人莫能近圖喇實手縛之以功封越王哈喇哈斯力爭以為舊制非親王不得加一字之封圖喇疏屬豈可以一日功廢萬世之制帝不聽圖喇因譖于帝曰安西謀干大統時丞相亦嘗署其牘由是罷為和林行省左丞相仍太傅復錄軍國重事

哈喇哈斯至鎮斬為盜者一人分遣使者賑貸降民奏出鈔帛

易牛羊以給之近水者教取魚鱉為食命諸部置傳車相去各三百里凡十傳轉米數萬石以餉饑民又度地置倉庫積粟以待來者求古渠浚之溉田數千頃令部民雜耕其間歲得米二十餘萬北邊大治

制加孔子號曰大成

制曰先孔子而聖者非孔子無以明後孔子而聖者非孔子無以法所為祖述堯舜憲章文武儀範百王師表萬世者也可加大成至聖文宣王遣使闕里祀以太牢

以都指揮使茂穆蘓

舊作馬
謀沙

及伶官竇迪

舊作沙的今
並改後仿此

等並為平章政事

伶官微賤本不可以名位相酬況平章為政府大僚尤非樂吏所當濫廁昔唐莊宗過加寵任已為史冊所識武宗乃令其敵體重臣名器假人于斯已極而此輩既膺殊寵即自恃崇階遂儼然抗行省部撓法亂政國是

茂穆蘓以角觝屢勝選授平章政事實迪等授平章仍領玉宸樂院使未幾樂工有犯法者刑部逮之實迪等以玉宸與刑部秩皆三品官皆榮祿大夫留不遣中書以聞帝曰凡諸司視其資級授之散官不可超越其閒冗職名官高者宜遵舊制降之

周禮曰平章執政之

官豈伶人之所宜任揭而書之所以志武宗荒逸之本

八月停內降旨選官

尙可問乎

省臣言內降旨與官者八百八十餘人已除三百未除者猶五百餘請自今越奏者乞勿與又外任官多帶相銜非制御史臺臣亦言御史廉訪司官宜從本臺公選不當從諸臣所請降內旨用之帝曰若此者卿等皆當執勿與未幾省臣復言比有應入常調者或未入任及已嘗廢黜者亦復請自內降已嘗奉詔禁革之後所降內旨復有百餘臣等竊謂中書政務他人輒得干請如此責效實難自今銓選錢穀之事

不由中書議者不得奏聞從之

賜諸王孝經

中書左丞博羅特穆爾以國字譯孝經進詔曰此孔子微言王公庶民皆當由是而行命刻板模印諸王以下咸賜之

九月帝至自上都

冬十月命皇太子領中書令

省臣言初置中書省時裕宗為皇太子嘗至省署敕

行中書令事後僧格遷立尚書省不四載而罷今復
建中書于舊省乞從中書令位請皇太子入省一泣
之制可

十二月山東饑

遣禮部尚書吳鼎往賑之時議發米四萬石不給則
以鈔折之鼎曰民得鈔將何從易米請于朝易米以
行

徵處士蕭斗

斗字維斗
奉元人

為太子右諭德

元史百官志詹事
院左右諭德各一

軾初出為府史上官語不合即引退讀書南山三十
年凡天文地理律歷算數靡不研究世祖時辟為陝
西儒學提舉不赴後累召皆不起至是徵拜太子右
諭德扶病至京師入覲東宮書酒誥為獻以朝廷時
尚酒也尋以病請解職或問之則曰禮東宮東面師
傅西面此禮今可行乎俄擢集賢學士國子祭酒依
前右諭德疾作固辭而歸

軾踐履篤實教人必自小
學始為文立意精深言近

而持遠所著有三禮
說諸書卒賜諡貞敏



御批歷代通鑑輯覽卷九十六